

# 卷十七

廣文選卷第一

明通議大夫都察院右副都御史大庾劉節廣

天地廣

天地賦

成公子安



惟自然之初載兮道虛無而玄清太素紛以溷淆兮始  
 有物而混成何元一之芒昧兮廓開闢而著形爾乃清  
 濁剖兮玄黃判離太極既殊是生兩儀星辰煥列日月  
 重規以尊地靜以卑昏明迭炤或盈或虧陰陽協  
 氣下謝寒暑隨時而推移三才殊性五行異位千變  
 萬化育庶類授之以形稟之以氣色表文采聲有音  
 無方流形品物鼓以雷霆潤以慶雲八風翱翔

書名 廣文選八十二卷 嘉靖十二年序刊本  
 撰者 明 劉節 輯  
 卷 卷十七  
 內容分類 集-總集-詩文  
 索書號 大木-集部-總集類-3  
 編號 D7920300

彩色首頁

東洋文化研究所漢籍目錄 編號: D7920300  
 東洋文化研究所漢籍目錄所藏漢籍善本全文影像資料庫 索書號: 大木-集部-總集類-3  
 漢籍善本全文影像資料庫文本廣文選八十二卷 嘉靖十二年序刊本  
 版權所有: 東京大學 東洋文化研究所  
 使用上的注意事項

洛多塵霧淮濟未安流豈不思撫劍惜哉無輕舟夫君  
良自勉歲暮勿淹留

廣文選卷第十六

江都葛澗校

廣文選卷第十七

明通議大夫都察院右副都御史大庾劉節廉

詩

樂府

漢安世房中歌 十七首

大孝備矣休德昭清高張四縣樂充宮庭芬樹羽林雲  
景杳冥金支秀華庶旌翠旌七始華始肅倡和聲神來  
宴娛庶幾是聽

嚶嚶音送細齊人情忽乘青玄熙事備成清思物物經  
緯冥冥

我定歷數人告其心較身齋戒施教申申乃立祖廟敬  
明尊親大矣孝熙四海爰轅

王侯秉德其鄰翼翼顯明昭式清明邕矣皇帝孝德竟  
全大功撫安四極

海內有姦紛亂東北詔撫成師武侯承德行樂交逆簫  
勺羣慝肅爲濟哉蓋定燕國

大海蕩蕩水所歸高賢愉愉民所懷太山崔百卉殖民  
何貴貴有德

安其所樂終產樂終產世繼緒飛龍秋游上天高賢愉  
樂民人

豐草萋女羅施善何如誰能回大莫大成教德長莫長  
被無極

雷震震電耀耀明德鄉治本約治本約澤弘大加被寵  
咸相保德施大世曼壽

都荔遂芳窠窠桂華孝奏天儀若日月光乘玄四龍回  
馳北行羽旄殷盛芬哉芒芒孝道隨世我署文章

馮馮翼翼承天之則吾易久遠燭明四極慈惠所愛美  
若休德杳杳冥冥克綽未福

磴磴即即師象山則嗚呼孝哉案撫戎國蠻夷竭歡象  
來致福兼臨是愛終無兵革

嘉薦芳矣告靈饗矣告靈既饗德音孔臧惟德之臧建  
侯之常承保天休令問不忘

皇皇鴻明蕩侯休德嘉承天和伊樂厥福在樂不荒惟  
民之則

浚則師德下民咸殖令問在舊孔容翼翼

孔容之常承帝之明下民之樂子孫保光承順溫良受

帝之光嘉薦令芳壽考不忘

承帝明德師象山則雲施稱民未受厥福承容之常承  
帝之明下民安樂受福無疆

漢郊祀歌 十九首

練時日

練時日侯有望炳管蕭延四方九重開靈之旂垂惠恩  
鴻祐休靈之車結玄雲駕飛龍羽旄紛靈之下若風馬  
左蒼龍右白虎靈之來神哉沛先以雨般裔裔靈之至  
慶陰陰相放悲震澹心靈已坐五音飾虞至旦承靈億  
牲繭粟粢盛香尊桂酒賓八鄉靈安留吟青黃徧觀此  
毗瑤堂衆婢並綽奇麗顏如荼北逐靡被華文厠霧縠  
曳河錫佩珠玉俠嘉夜滌蘭芳澹容與獻嘉觴

帝臨

帝臨中壇四方承宇繩繩意變備得其所清和六人  
數以五海內安寧興文偃武后土富媪昭明三光穆穆  
優游嘉服上黃

青陽

青陽開動根芟以遂膏潤并愛跂行畢逮靈聲發榮壝  
處頃聽枯槁復產乃成厥命衆庶熙熙施及天胎羣生  
嘒嘒惟春之祺

朱明

朱明盛長敷與萬物桐生茂豫靡有所詘敷華就實旣  
阜旣昌登成甫田百鬼迪嘗廣大建祀肅雍不忘神若  
宥之傳世無疆

西顛

西顛沆碭秋氣肅殺含秀垂穎續舊不廢姦偽不萌祆孽伏息隅辟越遠四貉咸服既長茲威惟慕純德附而不驕正心翊翊

玄冥

玄冥陵陰蟄虫蓋藏山木零落抵冬降霜易亂除邪革正異俗兆民反本抱素懷樸條理信義望禮五嶽籍歛之時掩收嘉穀

惟泰元

惟泰元尊總神蕃釐經緯天地作成四時精達日月星辰度理陰陽五行周而復始雲風雷電降甘露雨百姓咨茲感循厥緒繼統共勳順皇之德鸞路龍鱗罔不賄節嘉邊列陳庶幾宴享滅除凶災烈騰八荒鐘鼓竿笙雲舞翔翔招搖靈旗九夷賓將

天地

天地並況惟余有慕爰熙紫壇思求厥路恭承禋祀縉豫為紛黼黻周張承神至尊千童羅舞成八溢合好效歡虞泰之九歌畢奏斐然殊鳴琴竿瑟會軒朱璆罄金鼓靈其有喜百官濟濟各敬厥事盛牲實俎進聞膏神奄留臨須擢長麗前掞光耀明寒暑不忒況皇章展詩應律銅玉鳴含宮吐角激徵清發梁揚羽申以商造茲新音未久長聲氣遠條鳳鳥鵝神夕奄虞蓋孔享

日出入

日出入安窮時世不與人同故春非我春夏非我夏秋

非我秋冬非我冬泊如四海之池徧觀是邪謂何吾知  
所樂獨樂六龍六龍之調使我心若些黃其何不徠下

天馬

太一况天馬下露赤汗沫流赭志倣儻精權奇籥浮雲  
掩上馳體容與逝萬里今安匹龍為友天馬徠從西極  
涉流沙九夷服天馬徠出泉水虎脊兩化若鬼天馬徠  
歷無草徑千里循東道天馬徠執徐時將搖舉誰與期  
天馬徠開遠門竦予身逝昆崙天馬徠龍之媒游閭闔  
觀玉臺

天門

天門開誅蕩蕩穆並騁以臨饗光夜燭德信著靈寢  
而鳴長生豫大朱涂廣夷石為堂飾玉稍以舞歌體  
搖若未望星留俞塞隕光照紫幄珠熅黃幡比掖  
貳雙飛常羊月穆穆以金波日華燿以宣明假清風軋  
忽激長至重觴神裴回若留放殪冀親以肆章函蒙祉  
福常若期寂寥上天知厥時泛泛滇滇從高旂殷勤此  
路臚所求低正嘉吉弘以昌休嘉砰隱溢四方專精厲  
意逝九閼紛云六幕浮大海

景星

景星顯見信星彪列象載昭庭日親以察參伴開闢  
推本紀汾睢出鼎皇祐元始五音六律依韋饗昭雜變  
並會雅聲遠姚空桑琴瑟結信成四興遞代八音生殷  
殷鍾石羽籥鳴河龍供鯉醇犧牲百末旨酒布蘭生泰  
尊柘漿析朝醒微感心攸通修名周流常羊惠所并穰

穰復正直往甯馮蟻切和疏寫平上天布施后土成穰  
穰豐年四時榮

齊房

齊房產草九莖連葉宮童效異披圖案謀玄氣之精因  
復此都蔓蔓日茂芝成靈華

后皇

后皇嘉壇立玄黃服物發冀州兆蒙祉福沈沈四塞假  
狄合處經營萬億咸遂厥宇

華曄曄

華燁燁固靈根神之游過天門車千乘敦昆崙神之出  
排玉房周流雜拔蘭堂神之行旌容容騎沓沓般從從  
神之徠泛翊翊甘露降慶雲集神之愉臨壇宇九疑賓  
增揚波徧臚驪騰天歌  
福滂洋邁延長沛施祐汾之阿揚金光橫泰河莽若雲

五神

五神相包四鄰土地廣揚浮雲扈嘉壇椒蘭芳璧玉精  
垂華光益億年美始興交於神若有承廣宣延咸畢觴  
靈輿位偃蹇驥卉汨臚析奚遺溼淥澤泐然歸

朝隴首

朝隴首覽西垠雷電奈獲白麟爰五止顯黃德圖凶虐  
熏鬻殛闕流離抑不詳賓百僚山河饗掩回轅鬣長馳  
騰雨師洒路陂流星雲感惟風籥歸雲撫懷心

象載瑜

象載瑜白集西食甘露飲榮泉赤鴈集六紛員殊翁雜  
五采文神所見施祉福登蓬萊結無極

赤蛟

赤蛟綏黃華蓋露夜零晝晡蓋百君禮六龍位勺椒漿  
靈已醉靈既享錫吉祥芒芒極降嘉觴靈殷殷爛揚光  
延壽命未未央杳冥冥塞六合澤汪濊輯萬國靈禔禔  
象輿轆票然逝旗透蛇禮樂成靈將歸託玄德長無衰

靈芝歌

因靈寢兮產靈芝象二德兮瑞應圖延壽命兮光此都  
配上帝兮象太徽參日月兮揚光輝

聖人制禮樂篇

古辭

昔皇文武邪彌彌舍善誰五時吾行許帝道銜來治路  
萬邪治路萬邪赫赫意黃運道吾治路萬邪善道明邪  
金邪善道明邪金邪帝邪近帝武武邪邪聖皇八音偶  
邪尊來聖皇八音及來儀邪同邪烏及來義邪善草供  
國吾咄等邪烏近帝邪武邪近帝武邪武邪應節合用  
武邪尊邪應節合用酒期義邪同邪酒期義邪善草供  
國吾咄等邪烏近帝邪武邪近帝武邪邪下音足木  
上爲鼓義邪應衆義邪樂邪邪延否已邪烏已禮祥咄  
等邪烏素女有絕其聖烏烏武邪

晉郊祀歌

五首

傅休奕

夕牲歌

天命有晉穆穆明明我其夙夜祗事上靈常于時遐迄  
用其成於薦玄牲進夕其牲崇德作樂神祇是聽



迎送神歌

宣文蒸哉日靖四方永信保之夙夜匪康光天之命上帝是皇嘉樂殷慶靈祚景祥神祇隆假享福無疆

饗神歌

天祚有晉其命惟新受終于魏奄有兆民燕及皇天懷柔百神不顯遺烈之德之純享其玄牲式用肇壇神祇來祿福祿是臻

饗神歌二首

時邁其猶昊天予之祐享有晉兆民戴之畏天之威敬授人時不顯不承於猶繹思皇極斯建庶績咸熙庶幾夙夜惟晉之祺

宣文惟后克配彼天撫寧四海保有康年於乎緝熙肆用靖民爰立典制爰修禮紀作民之極莫匪資始克昌厥後永言保之

晉天地郊明堂歌 五首

傅休奕

夕牲歌

皇矣有晉時邁其德受終于天光濟萬國萬國既光神定厥祥虔于郊祀祇事上皇祇事上皇百福是臻巍巍祖考克配彼天嘉牲匪歆德馨惟饗受天之祐神化四方

降神歌

於赫大晉膺天景祥二帝邁德宣茲重光我皇受命奄有萬方郊祀配享禮樂孔章神祇嘉饗祖考是皇克昌厥後保祚無疆

天郊饗神歌

整泰壇祀皇神精氣感百靈質蘊朱火燎芳薪紫煙遊  
冠青雲神之體靡象形曠無方幽以清神之來亢景照  
聽無聞視無兆神之至舉歆歆靈爽協動余心神之坐  
同歡娛澤雲翔化風舒嘉樂奏文中聲八音諧神是聽  
咸絜齊並芬芳烹牲享玉觴神悅饗歆禋祀祐大晉  
降繁祉祚京邑行四海保天年窮地紀

地郊饗神歌

整泰圻埃皇祇衆神感羣靈儀陰祀設吉禮施夜將極  
時未移祇之體無形象潛泰幽洞忽荒祇之出夢若有  
靈無遠天下毋祇之來遺光景昭若存終冥冥祇之至  
舉欣欣舞象德歌成文祇之坐同歡豫澤雨施化雲布  
成穆穆饗嘉嘉歆德馨祚有晉暨羣生溢九壤格天庭  
保萬壽延億齡

明堂饗神歌

經始明堂享祀匪懈於皇烈考光配上帝赫赫上帝既  
高既崇聖考是配明堂顯融率土敬職萬方來祭常于  
時假保祚永世

晉江左宗廟歌

曹輔佐

四時祠祀歌

肅肅清廟巍巍聖功萬國來賓禮儀有容鍾鼓振金石  
熙宣兆祚武開基神斯樂兮理管絃有來斯和說功德  
吐清歌神斯樂兮洋洋玄化潤被九壤民無不悅道無

不往禮有儀樂有式詠九功永無極神斯樂兮

宋南郊登歌

顏延之

饗神歌

營泰時定天衷思心睿謀筮從建表絕設郊宮田燭置  
燿火通曆元旬律首吉飾紫壇坎列室中星兆六宗秩  
乾宇晏地區謚大孝昭祭禮供牲日展盛自躬具陳器  
備禮容形儻綴被歌鍾望帝閭從神蹕靈之來辰光溢  
繁粢酌娛太一明輝夜華哲日裸既始獻又終烟蕪鬯  
報清穹饗宋德祚王功休命永福履充

宋明堂歌 九首

謝希逸

迎神歌

地紐謚乾樞回華蓋動紫微開旌蔽日車若雲駕六龍  
乘網緼擘帝京輝天邑聖祖降五靈集構瑤池聳珠簾  
漢拂幌月棲檐舞綴暢鍾石融駐飛景鬱行風懋粢盛  
潔牲牲百禮肅羣司虔皇德遠大孝昌貫九幽洞三光  
神之安解玉鑾景福至萬寓歡

登歌

雍臺辨朔澤宮練服潔火夕照明水朝陳六瑚賁室八  
羽華庭照事先聖懷濡上靈肆夏戒敬升歌發德永固  
鴻基以綏萬國

歌太祖文皇帝

維天爲大維聖祖是則辰居萬寓綴旒下國內靈八輔  
外光四瀛蒿宮仰蓋日館希旌複殿留景重檐結風括  
楹接緯達嚮承虹設業設虛在王庭肇禮祀克配乎靈

我將我享維孟之春以孝以敬以立我蒸民

歌青帝

參映夕駟照晨靈乘震司青春鴈將向桐始蕤柔風舞  
暄光遲萌動達萬品新潤無際澤無垠

歌赤帝

龍精初見大火中朱光北至圭景同帝在在離寔司衡  
水雨方降木槿榮庶物盛長咸殷阜恩覃四冥被九有

歌黃帝

履建宅中寓司繩御四方教化遍寒燠布政周炎涼景  
麗條可結霜明水可折凱風扇朱唇白雲流素節分至  
乘結魁啓閉集恒度帝運緝萬有皇靈澄國步

歌白帝

百川如鏡天地爽且明雲冲氣舉德盛在素精木葉初  
下洞庭始揚波夜光徹地翻霜照懸河庶類收咸歲功  
行欲寧浹地奉渥聲宇承秋靈

歌黑帝

歲月旣宴方馳靈乘坎德司覲玄雲合晦鳥路白雲繁  
亘天涯雷在地時木光飾國典閉關梁四節遍萬物殿  
福九域祚八鄉晨晷促夕漏延太陰極微陽宣鵲將巢  
水已解氣濡水風動泉

送神歌

蘊禮容餘樂度靈方留景欲暮開九重肅五達鳳參差  
龍已沐雲旣動河旣梁萬里照四空香神之車歸清都  
璇庭寂玉殿虛睿化凝孝風織顧靈心結皇思

宋宗廟登歌

七廟享神歌

王韶之

奕奕寢廟奉章在庭笙籥既列犧象既盈黍稷匪芳  
明祀惟馨樂具禮克潔羞薦誠神之格思介以休禎濟濟  
羣辟永觀厥成

齊雩祭樂歌

八首

謝元暉

清明暢禮樂新候龍景選真辰一解陽律元陰晷伏耕下  
土荐種稷二解宸儀警王度宣瞻雲漢望旻天三解張盛樂  
奏雲舞集五精延帝祖四解雩有飄崇有秩秬鬯芬主瓚  
苾五解靈之來帝閤開車煜燿吹徘徊六解停龍轅徧觀此  
凍雨飛祥雲靡七解壇可臨奠可歆對眎社鑒皇心八解

右迎神歌八章章四句

濬哲維祖長發其武帝出自震重光御寓七德攸宣九  
疇咸敘靜難荆衡凝威螽蟊

昧旦丕承夕惕刑正化一車書德馨染盛昭星夜景非  
雲曉慶衢室成陰璧水如鏡

禮克玉帛樂被匏絃於鑠在詠陟配于天自古徂兆靡  
愛牲牲我將我享末祚豐年

右世祖武皇帝歌三章章八句

營翼日鳥殷宵凝冰泮玄螿昭  
景陽陽風習習女夷歌東皇集  
奠春酒秉青珪命田祖渥羣黎

右青帝歌三章章四句

惟此夏德德恢台兩龍在御炎精來

火景方中南譌秩靡草云黃含桃實  
族雲翳鬱溫風煽與雨祁祁黍苗徧

右赤帝歌三章章二句

稟火自高明毓金挺剛克涼燠資成化羣方載厚德  
陽季勾萌達炎徂溽暑融商暮百工止歲極凌陰冲  
泉流疏已清原隰遠而甸一作平咸言祚惟億敦民保高  
京

右黃帝歌三章章四句

帝說于允執矩固司藏百川收潦精景應金方  
嘉樹離披榆關命賓鳥夜月初霜金風方弱弱  
商陰肅殺萬寶咸迹道勞哉望歲場功冀可收

右白帝歌三章章二句

白日短玄夜溟招搖轉移太陰霜鐘鳴真陵起星回天  
月窮紀

聽巖風來不息望玄雲黝無色曾冰冽積羽幽飛雪至  
天山側

關梁閉方不巡合國吹饗蜡賓統微陽究終始自禮洽  
萬祚秦

右黑帝歌二章章四句

敬如在禮將周神之駕不少留  
躍龍鑣轉會蓋紛上馳雲之外  
警七曜詔人神排閭闔渡天津  
有滄輿膚寸積雨冥冥又終夕  
俾栖糧惟萬箱皇情暢景命昌

右送神歌五章章四句

梁南郊登歌 二首

沈休文

暎既明禮告成惟聖祖主上靈爵已獻壘又盈息羽籥  
展歌聲優如在結皇情  
禮客盛尊俎列玄酒陳陶匏設獻清自致虔潔王既升  
樂已闋降蒼昊垂芳烈

梁北郊登歌 二首

沈休文

方獻既埒地祇已出盛典弗僭羣望咸秩乃升乃獻敬  
成禮卒靈成無兆神饗載謐允矣嘉祚其升如日  
至哉坤元實惟厚載躬茲奠饗誠文顯晦或升或降搖  
珠動佩德表成物慶流皇代純嘏不訾祺福是賚

梁宗廟登歌 七首

沈休文

功高禮洽德尊樂備三獻具舉百同在位誠敬罔僭言幽  
明同致茫茫億兆無思不遂蓋之如天容之如地  
殷兆玉筐周始邠王於赫父祖基我太梁肇土七十奄  
有四方帝軒百祀人思未忘永言聖烈祚我無疆  
有夏多罪殷人塗炭四海倒懸十室思亂自天命我殲  
凶殄難既躍乃飛言登天漢爰饗爰 福祿攸贊  
犧象既飾壘俎斯具我鬱載馨黃流乃注我我卿士駿  
奔是務佩上鳴諧纓還拂樹悠悠億兆 臨日煦  
猗歟至德光被黔首鑄鎔蒼昊甄陶區有 恭三獻對  
揚萬壽比屋可封含生無咎匪徒七百天長地久  
有命自天於皇后帝悠悠四海莫不來祭繁祉具膺八  
神聳衛福至有兆慶來無際播此餘休于彼荒裔

祀典昭潔我禮莫違八簋充室六龍解駢神宮肅肅靈  
寢微微嘉薦既饗景福攸歸至德光被洪祚載輝

梁雅樂歌 五首

沈休文

滌雅

將修盛禮其儀孔熾有賸斯牲國門是置不黎不邁靡  
愆靡忌呈肌獻體未言昭事俯休皇德仰綏靈志百福  
具膺嘉祥允洎駿奔伊在慶覃遐嗣

拴雅

反本興敬復古昭誠禮容宿設祀事孔明華俎待獻崇  
碑麗牲充哉繭握肅矣簪纓其管既啓我豆既盈庖丁  
游刃葛盧驗聲多祉攸集景福來并

誠雅 二首

具僚仰人禮盛神途敞優明靈申敬享咸蒼極洞玄象

二

地德溥崑丘峻揚羽翟鼓應輦出尊祇展誠信招海賈  
羅嶽鎮惟福祉昭晉

三

我有明德馨非黍稷牲玉孔備嘉薦惟旅金懸宿設和  
樂具舉禮達幽明敬行尊俎鼓鍾云送遐福是與

周祀方澤歌 四首

庾子山

昭夏

報功陰澤展禮玄郊平琮鎮瑞方鼎升庖調歌孫竹縮  
漚江茅聲舒鍾鼓器質陶匏列耀秀華凝芳都荔川澤



茂社丘陵容衛雲飾山壘蘭浮汎齊日至之禮歆茲大祭

昭夏

曰若厚載欽明方澤敢以敬恭陳之玉帛德包含養功藏靈迹斯箱既千子孫則百

登歌

質明孝敬求陰順陽壇有四陛琮分八方牲牲蕩滌蕭合馨香和鑿戾止振露來翔威儀簡簡鐘鼓嗶嗶聲和孤竹韻入空桑封中雲氣坎上神光下元之主功深蓋藏

皇夏

司蓬蔽席掌禮移次迴顧封壇恭臨次位歷玉運組

周宗廟歌二首

庚子山

皇夏

肅肅清廟巖巖寢門欹器防滿金人戒言應棟懸鼓崇牙樹羽階變升歌庭紛象舞閑安象設緝熙清奠春鮪初登新萍先薦倏然入室儼乎在位悽愴履之非寒之謂

昭夏

永維祖武僭慶靈長龍圖革命鳳曆歸昌功移上埃德耀中陽清廟肅肅猛虞煌煌曲高大夏聲和盛唐牲牲蕩滌蕭合馨香和鑿戾止振露來翔永敷萬國是則四方

周大冷歌 二首

庾子山

昭夏

律在夾鍾服居蒼衮香清思綿綿長遠就祭於合班  
神於本來庭有序助祭有章樂舞六代賓歌二王和鈴  
以節儉革斯鏘齊宮饌玉鬱華浮金洞庭鍾鼓龍門瑟  
琴其變已變惟神是臨

登歌

神惟顯思不言而令玉帛之禮敢陳莊敬奉如弗勝薦  
如受命交於神明慙於言行

廣文選卷第十七

江都葛澗校

廣文選卷第十八

明通議大夫都察院右副都御史大庾劉節廣

詩

樂府一

漢鼓吹鏡歌曲 十八首

朱鷺

朱鷺魚以鳥路訾邪鷺何食食茄下不之食不以吐將  
以問誅一作者

思悲翁

思悲翁唐思奪我美人侵以遇悲翁也但我思蓬首狗  
逐狡兔食交君臯子五臯母六拉脊高飛暮安宿

艾如張

製 複 許 不

NOT TO BE REPRODUCED

東京大学東洋文化研究所